



Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08.) i člana 26. Odluke o javnim priznanjima («Službene novine Općine Maglaj», broj: 4/15) na prijedlog Komisije Općinskog vijeća za dodjelu javnih priznanja, Općinsko vijeće Maglaj na sjednici održanoj dana _____2019.godine, d o n o s i

O D L U K U

o dodjeli javnih priznanja općine Maglaj za 2019.godinu

Član 1.

Ovom Odlukom, a u skladu sa Odlukom o javnim priznanjima Maglaja dodjeljuju se javna priznanja Maglaja za 2019.godinu.

Član 2.

Javna priznanja dodjeljuju se sljedećim:

- | | | |
|-------------------------------|---|------------------------------------|
| 1. „Grb Maglaja“ | - | Salim Ibrahimefendić; |
| 2. „Plaketa Maglaja“ | - | Šefkija Botonjić; |
| 3. „Zahvalnica Maglaja“ | - | JU MSŠ, i |
| | - | Škola rukometa „Maglaj“ |
| 4. „Maglajska lenta“ | - | Bašić Himzo zv. „Trošo“ , i |
| | - | Smajić Mensura; |
| 5. „Počasni građanin Maglaja“ | - | Hajdar Arifagić. |

Pisana obrazloženja za predložene kandidate za javna priznanja nalaze se u prilogu ove Odluke i njen su sastavni dio.

Član 3.

Javna priznanja iz člana 2. ove Odluke bit će uručena na svečanoj sjednici Općinskog vijeća u povodu Dana Maglaja – «18.septembra», a u skladu sa Odlukom Općinskog vijeća o javnim priznanjima Maglaja.

Član 4.

O dodijeljenim javnim priznanjima vodi se jedinstvena evidencija u Službi Općinskog načelnika i Općinskog vijeća.

Član 5.

Ova Odluka stupa na snagu danom donošenja i ima se objaviti u «Službenim novinama Općine Maglaj».

Broj: 02-05-1- /19
Maglaj, _____2019.godine

PREDSJEDAVALA

Svjetlana Zamboni

O b r a z l o ž e n j e

„Grb Maglaja“ je javno priznanje koje se u jednoj kalendarskoj godini može dodijeliti kao 1 (jedna) pojedinačna i 1 (jedna) kolektivna nagrada, ukupno 2 (dva) „Grba“.

„Grb Maglaj“ se dodjeljuje građanima Maglaja i drugim licima koja rade i djeluju na području općine Maglaj, privrednim društvima, ustanovama, udruženjima građana i drugim pravnim subjektima za doprinos u oslobođenju i odbrani Maglaja i izuzetne zasluge i postignute rezultate u teorijskom i praktičnom radu na unapređenju nauke, privrede, obrazovanja, kulture, umjetnosti, sporta, zdravlja, socijalne brige i dječje zaštite, unapređenje i afirmaciju tolerancije, kulture dijaloga, zaštiti i afirmaciji ljudskih prava i sloboda garantovanih međunarodnim konvencijama, Ustavom i zakonima, kao i spašavanje ljudi, imovine, unapređenje demokratije i suživota.

„Grb Maglaja“ istom licu ili instituciji može se dodijeliti samo jedanput.

„Grb Maglaja“ Salim Ibrahimefendić

Životni i radni vijek gospodina Ibrahimefendića zavređuje posebnu pažnju lokalne zajednice. Dr. Ibrahimefendić će ostati upamćen kao prvi Maglajlija koji je stekao naučno zvanje doktor nauka. Period kada je gospodin Ibrahimefendić stekao ovo naučno zvanje je period kada je do tako visokog zvanja u nauci morao proći jako trnovit put, put pun ogromnog truda, volje i nadasve talenta i znanja.

Čitav svoj radni i naučni vijek gospodin Ibrahimefendić je stalnim sticanjem novih znanja i radom na jačanju naučnih dostignuća u sferi njegovog djelovanja, podredio naučnim rezultatima.

Pored toga, dobar dio svog radnog vijeka počevši od rane mladosti proveo je u tvornici „Natron“ Maglaj stalno radeći na novim dostignućima i usvajanju novih tehnologija. Pri tome je prošao put od rukovodioca pogona do generalnog direktora tvornice u najtežim radnim i postratnim danima.

Kao dokaz njegovog intelektualnog rada i vrsnog vrhunskog stručnjaka, pokazuje i širok opus naučnih, stručnih i teorijskih radova kroz autorske knjige, časopise i brošure.

Tokom agresije na BiH, osim kao povjerenik – direktor DD „Natron“ Maglaj, bio je i predsjednik Kluba BMI, intelektualne jezgre Maglaja, čiji je zadatak bio povezivanje i jedinstveno djelovanje intelektualnih potencijala Magalaja u odbrani Magalaja i njegovih stanovnika.

Dr Salim Ibrahimefendić je kroz ljudski, privredni, politički i intelektualni angažman dopriniosio i jačanju ugleda Maglaja, kao zajednice.

- „Plaketa Maglaja“ dodjeljuje se pojedinačnim poduzetnicima ili privrednim društvima koji žive/egzistiraju i djeluju u Maglaju, za vidljiv doprinos u privrednom napretku općine,
- privrednicima za posebno zalaganje u zapošljavanju mladih i obrazovanih kadrova,
- pojedincima u Bosni i Hercegovini koji su znatno doprinijeli privrednom razvoju i afirmaciji Maglaja.

„Plaketa Maglaja“ Šefkija Botonjić

Gospodin Botonjić je dugo godina vezan za Maglaj i Maglajlije, kroz svoj životni i radni vijek koji ga je vezao za Maglaj. Kao mladi inženjer došao je u tvornicu „Natron“, a s početkom agresije na BiH i naš Maglaj gospodin Botonjić je bio nagažovan u namjenskoj proizvodnji. Završetkom ratnih dešavanja svoje iskustvo, znanje i energiju je nesebično ulagao u pokretanje tvornice „Natron“, prvo kao jedan od izvršnih direktora, a zatim i kao generalni direktor tvornice „Natron“.

Velikim trudom i krajiškom upornošću uz neiscrpnu energiju, nerijetko osporavan od lokalnih vlastodržaca, uspješno je na čelu tvornice „Natron“ kao generalni direktor prešao put od kompanije koja je na izdisaju do uspješno završene privatizacije čime je tvornica „Natron“ postala dio porodice Turske grupacije „Hayat“, danas poznata kao tvornica „Natron-Hayat“.

Veliki trud u očuvanju tvornice i njenoj tranziciji, uz sigurno najpozitivniji primjer privatizacije u postratnoj BiH je prepoznat i od strane novih vlasnika tvornice. Tako je gospodin Botonjić od 2005.godine do danas ujedno i član Nadzornog odbora tvornice „Natron-Hayat“, gdje je nominovan od strane vlasnika i rukovodstva grupacije „Hayat“. Cijeli ovaj period je sebe stavio u funkciju pozitivnog

djelovanja prema tvornici „Natron-Hayat“ lobirajući u rješavanju mnogih problema koji opterećuju ovu tvornicu.

Nakon odlaska sa funkcije generalnog direktora sve donedavno je obnašao funkciju predsjednika Privredne komore ZDK i dalje imajući zadatak postavljen pred sebe da radi i lobira u korist Maglaja, Maglajlija i „Natron-Hayat“. Postigao je značajne rezultate na ovom mjestu, istovremeno se posvetio i naučnom radu.

Gospodin Botonjić je svoje bogato iskustvo i znanje stavio na raspolaganje mladim ljudima, studentima na Univerzitetu u Zenici gdje je i danas dio nastavnog procesa.

Obavljajući značajne funkcije kroz svoj radni i životni vijek Dr Šefkija Botonjić je imao i ima jako dobre konekcije sa mnogim Maglajlijama koji svjedoče da je kao osoba uvijek spreman posebnu pažnju posvetiti potrebama ljudima iz ovog grada, bez obzira što već godinama živi izvan Maglaja. Zbog toga je gospodin Botonjić sve ove godine zapravo uspješan most koji spaja Maglajlije sa drugim uspješnim osobama, ustanovama, institucijama i sl.

Njegov doprinos je ogroman i svestran kroz privredne rezultate, naučno-nastavni rad i društveno korisne aktivnosti.

„Maglajska lenta“ dodjeljuje se pojedincima koji su kroz svoj životni vijek svojim radom i djelovanjem ostavili vidljiv i prepoznatljiv trag i postali prepoznatljivi građani lokalne zajednice.

«Maglajska lenta»
Bašić Himzo zv. „Trošo“
Smajić Mensura

Bašić Himzo, čovjek koji je rođen 10.11.1958.godine u Kopicama. 1992.godine od početka rata napušta posao u Hrvatskoj i kreće u odbranu domovine. Himzo je bio komandir čete, te učestvovao u mnogim akcijama na svim prostorima Federacije.

Na osnovu svoje borbenosti, požrtvovanosti, svog ogromnog doprinosa, on dobija vojno priznanje „Zlatni ljiljan“, a tokom rata je zadobio trajni invaliditet (100% RVI) – paraplegičar.

Himzo Bašić je oženjen i ima dvoje djece. On je dao ogroman doprinos i iskazao hrabrost u toku tog perioda, a kasnije je iskazivao i zavidnu skromnost, gdje sebe nikad nije stavljao u prvi plan, te je uvijek pokazivao veću brigu za druge.

Obzirom da je dao ogroman doprinos u odbrani Bosne i Hercegovine, on dobija i vojno priznanje „Zlatni ljiljan“. Mnogo građana poznaje Trošu – Himzu Bašića i svi znaju koliki je bio njegov doprinos. Jednostavno nije sebičan, a obzirom na njegov trajni invaliditet najmnje što mi možemo učiniti i odužiti mu se jesta ukazati mu poštovanje i odati priznanje.

Profesorica Mensura Smajić, obavljala je čitav niz funkcija u društvenom životu naše općine. Pored rada u općinskoj administraciji, gdje je bila na čelu Sekretarijata društvenih djelatnosti – referat za obrazovanje i informisanje, gdje je i provela veliki dio svog radnog vijeka, učestvovala je u većini kulturnih događaja vezanih za naš grad i općinu. Poseban doprinos dala je u radu „Ratne škole“, organizaciji kulturne manifestacije „Mulabdićevi dani“, radu u Kulturnom društvu Bošnjaka „Preporod“, u organizaciji manifestacije „Studentsko ljeto“, te čitavom drugom nizu kulturnih i prosvjetnih događaja u našem gradu.

Mensura Smajić nakon rada u općinskoj administraciji prelazi u Gimnaziju, te radi na mjestu profesorice pedagogije i psihologije te kao pedagog škole. Pedagogica škole bila je u periodu od maja 1997. do 10.07.2011.godine i treba napomenuti da je prvi pedagog općenito koji je Gimnazija imala.

Za ovaj grad i njegove ljude bila je vezana od rođenja, te je u njemu provela najljepše i najteže trenutke. U toku agresije na BiH i naš grad, Mensura Smajić dala je doprinos u humanitarnom radu i organizovanju obrazovanja u ratnim uslovima. U tom periodu izgubila je i sina i brata.

Rukovođeni njenim predanim radom kao pedagoga škole, gdje je uz veliku ljubav i empatiju prema mladom čovjeku ispratila brojne generacije, surađujući sa njihovim porodicama i nastojeći u njima pronaći ono najvrednije.

„Zahvalnica“ se dodjeljuje u vidu diplome uz novčani iznos čiju visinu utvrđuje Općinsko vijeće, a koja ne može biti niža od 1.000,00 KM (jednu hiljadu konvertibilnih maraka).

Kriteriji:

objavljen ili općepoznat konkretan uspjeh ili poduhvat,
volonterizam u oblasti u kojoj neprofitna organizacija, ustanova ili udruženje djeluje,
učesće i ostvaren uspjeh organizacije, ustanove ili udruženja izvan domena djelovanja istog.

« Zahvalnica Maglaja ».
JU MSŠ
Škola rukometa „Maglaj“

Javna ustanova Mješovita srednja škola Maglaj već 65 godina predano radi na odgoju i obrazovanju mladih općine Maglaj, pa i šire. Dokazi tog predanog rada se mogu mjeriti kvantitativno, ali i kvalitativno, obzirom na veliki broj nagrada i priznanja, čime su na najbolji način afirmisali učenike, školu i općinu Maglaj. Već dugi niz godina brine se o lokalnoj privredi kroz izobrazbu potrebnog kadra. Pored tog dijela, bezbroj puta se pokazala i kao društveno odgovorna škola koja je pomagala svoju lokalnu zajednicu shodno svojim mogućnostima i kapacitetima. Njeni učenici i uposlenici su ne mali broj puta radili na uređenju općine Maglaj, pomagali Manifestaciji lokalnog nivoa, organizirali i realizirali, po našem mišljenju i najbolju Manifestaciju KVIZ „600“ u povodu 600 godina Maglaja, organizirali i realizirali veliki broj humanitarnih akcija za potrebe naših sugrađana od kojih izdvajamo besplatno šišanje korisnika Javne kuhinje RO „Merhamet“ Maglaj, te aktivnosti na organizaciji humanitarnog koncerta za potrebe opremanja pomenute kuhinje. Vrhunac njenog djelovanja bila je „MIROVNA NAGRADA“ koju je dobila od Mreže za izgradnju mira u Bosni i Hercegovini. Nagrada je tim veća što je kao takva prvi put dodijeljena jednoj školi u Bosni i Hercegovini. Nakon svega rečenog, ostaje nam samo da konstatujemo da općina Maglaj može biti itekako sretna što na svom području ima ovakvu školu, te da pomenuto treba cijeniti, poštovati, isticati i svakako dostojanstveno nagraditi.

Pomenuta škola je svojim dugogodišnjim uspješnim radom i rezultatima koje je postigla, te brojnim članovima koji su igrali i još uvijek igraju za velike svjetske klubove, koji braneći državni grb predstavljaju Bosnu i Hercegovinu i ostavljaju srce na terenu, zaslužuju da dobiju ovu nagradu.

Škola rukometa se odvija u sklopu Rukometnog kluba „Maglaj“ i u funkciji je već 22 godine. Neki od članova Škole rukometa RK „Maglaj“ su:

Benjamin Burić, Senjamin Burić, Eldar Memišević, Benjamin Čičkušić, Tarik Međić, Selvedin Omahić, Sakib Omerović, Alen Bjelobrković, Zlatan Nefić, Ismir Brkić, sve redom bivši reprezentativci Bosne i Hercegovine.

Rukometni klub „Maglaj“ se takmiči u Premijer ligi BiH i standardan je član najjače rukometne lige u Bosni i Hercegovini. Omladinske selekcije učestvuju sa svojim selekcijama 2002, 2004, 2006, 2008 i 2010. godine u okviru ORL lige i Državnog prvenstva Bosne i Hercegovine.

Škola rukometa trenutno broji oko 90-tak članova raspoređenih u 5 selekcija, te je jedna od najbrojnijih, najpriznatijih i najjačih rukometnih škola na području Bosne i Hercegovine što potvrđuje redovnim učesćima na završnicama državnog prvenstva kao prvak svoje lige. Škola je bila učesnik turnira u Visokom i Kozarskoj Dubici (selekcija 2006 i 2008), učestvovala na svojim turnirima u Maglaja (selekcija 2004, 2006 i 2008) u septembru 2018. godine i februaru 2019. godine održala jako kvalitetan turnir za selekcije 2006 i 2008., a koji će od sezone 2020. godine prerasti u međunarodni višednevni turnir za ove kategorije, te na turniru „Rukomet u srcu“ 2019. godine, učestvovala sa selekcijama 2002., 2004. i 2006.

Tokom sezone koja je za školu rukometa krenula 2018. godine sada već tradicionalnim turnirom u mini rukometu u M-ovima, Škola rukometa je odigrala prijateljske utakmice i turnire sa selekcijama 2002, 2004, 2006, i 2008. Sa RK „Bosna“ Visoko, RK „Krivaja“ Zavidovići, RK „Sloga“ Doboj, RK „Borac“ Banja Luka, te RK „Vitez“ Vitez i igrala redovne utakmice ORL lige u 4 takmičarske selekcije 2002, 2004, 2006 i 2008.

Na Državnom prvenstvu održanom u Bijeljini selekcija 2008 je zauzela 3. mjesto.

Na Državnom prvenstvu održanom u Maglaju selekcija 2002 je zauzela 2. mjesto.

Konstantnim radom, zalaganjem, željom i voljom dječaka koji treniraju, trenera i uprave Kluba oni će promovisati naš grad u najboljem svjetlu, a svijetu ponuditi najbolje rukometaše.

Počasnim građaninom Maglaja može se proglasiti lice posebno zaslužno za afirmaciju vrijednosti demokratskog društva, historijskih događaja i tradicija Bosne i Hercegovine, položaja i ugleda Maglaja i njegovih odnosa sa drugim gradovima i općinama u zemlji i inostranstvu, te razvoj Maglaja ili pojedinih djelatnosti, državnik ili službenik druge države, član međunarodne organizacije odnosno organizacije druge države posebno zaslužan za Maglaj i Bosnu i Hercegovinu u jačanju njihovog ugleda na opće prihvaćenim načelima savremenog svijeta.

**„Počasni građanin Maglaja“
Hajdar Arifagić**

Hajdar Arifagić je dugogodišnji novinar i urednik BH lista „Oslobođenje“, gdje je stekao uslove za penzionisanje. Kroz svoje nebrojene članske i autorske priloge i reportaže, posebno mjesto je pripadalo Maglaju, njegovim privrednim, kulturno-historijskim, umjetničkim i društvenim vrijednostima, gdje je kroz pisanu riječ i sliku, uvijek afirmativno i podsticajno ukazivao na uspjehe i potencijale Maglaja i njegovih građana.

Hajdar Arifagić je istaknuti i više puta nagrađivani publicista i aktivni borac za ljudska prava, a posebno razvoja turizma i zaštitu okoliša. Osim pisanih djela u stručnim časopisima Fondoko svijet, gdje je bio i urednik, bio je 2018.godine i voditelj projekta pod nazivom „Najbolji BH potez u turizmu“.

Za svoj doprinos u oblasti zaštite okoliša i zdrave sredine, nagrađen je 2013.godine za životno djelo u ekološkom novinarstvu, a koja mu je uručena od strane Misije OSCE u BiH.

Hajdar Arifagić je od prvih dana postojanja Manifestacije „Studentsko ljeto“ u njenoj organizaciji i promotivnim akcijama, a dugi niz godina je i član žirija novinara na toj Manifestaciji. Arifagić kroz svoje svakodnevne kontakte u Sarajevu i BiH ne propušta trenutak i priliku da promovise vrijednosti Maglaja i „Studentskog ljeta“, a bio je i suorganizator ratnog „sarajevskog maglajskog kulturnog ljeta“ 1993.godine, kada je kroz pjesmu i govor skrenuta pažnja BH i svjetske javnosti na stradanja, patnju i herojsku odbranu Maglajlija u opkoljenom gradu.

Više decenijski rad, zalaganje na promociji Maglaja i njegovih vrijednosti, rezultata i pozitivnih dostignuća, čime se daje doprinos percepciji Maglaja kao „Otvorenog grada“ i afirmaciji interesa Maglaja kao zajednice.

Spisak svih dostavljenih prijedloga za dodjelu javnih priznanja za 2019.godinu.

Na raspisani javni oglas dostavljeno je 11 (jedanaest) koverata sa prijedlozima kako slijedi:

1. MZ Ulišnjak, predložili su – Sulejmana Hercega – posthumno za „Grb Maglaja“
2. MZ Oručje, predložili su -
 - Mustafu Mašića za „Maglajsku lentu“
 - Mehu Kovačevića – „Grb Maglaja“
3. JU Gimnazija „Edhem Mulabdić“ Maglaja predložili su – Mensuru Smajić – „Maglajska lenta“ ;
4. Mještani MZ Domislica predložili su – Mustafu Bešića „Zahvalnica Maglaja“;
5. OOSDA Klub vijećnika SDA predložio je – Sulejmana Hercega – posthumno za „Grb Maglaja“;
6. Delić Fikret i Edin Hadžić predložili su - Bašić Himzo zv. Trošo – ostavili Komisiji da odluči koje priznanje;
7. Načelnik općine Mirsad Mahmutagić – predložio je :
 - Škola rukometa RK „Maglaj“ – „Zahvalnica Maglaja“
 - MZ Jablanica- Zijad Hrnjičić – „Zahvalnica Maglaja“
 - Selim Ibrahimefendić – „Grb Maglaja“
 - Šefkija Botonjić – Počasni građanin Maglaja
8. Udruženje ABNOAR-a predložili su – JU MSS Maglaj – „Grb Maglaja“

9. Udruženje ABNOAR-a predložili su – Amir Smajlagić – Počasni građanin Maglaja
10. OODF Maglaj predložili su:
 - Hajdar Arifagić – Počasni građanin Maglaja;
 - Salim Ibrahimfendić „Grb Maglaja“ ili „Zahvalnica Maglaja“
11. Smajo Šahman predložio je – Ramadanović Behaudin – Zaslužni građanin.

Komisija je razmotrila sve pristigle prijave i konstatovala da su dva prijedloga za dodjelu javnog priznanja Sulejmanu Hercegu - posthumno, došla od strane MZ Ulišnjak i OOSDA Klub vijećnika SDA.

Komisija je ustanovila da je rahmetli Sulejman Herceg dobio priznanje „Grb Maglaja“ 2008. godine od strane Općinskog vijeća Maglaj.

Prema Odluci o dodjeli javnih priznanja član 5. stav 3. „Grb Maglaja“ istom licu ili instituciji može se dodijeliti samo jedanput.

Komisija je također donijela zaključak:

- 1.1. Komisija predlaže Općinskom vijeću Maglaj da se donese Odluka o izmjeni i dopuni Odluke o javnim priznanjima Maglaj, da se doda novi član odnosno nagrada „Zahvalnica za doprinos pojedincima u mjesnim zajednicama za učešće u radu i afirmaciji mjesne zajednice“.

Ukoliko Općinsko vijeće donese Odluku o izmjeni i dopuni Odluke o javnim priznanjima Maglaja, Komisija predlaže Općinskom vijeću da nagradu:

b) „Zahvalnica za doprinos pojedincima u mjesnim zajednicama za učešće u radu i afirmaciji mjesne zajednice“ dodjeli slijedećim pojedincima:

1. Mustafa Bešić,
2. Zijad Hrnjičić,
3. Meho Kovačević.

Mustafa Bešić

Vijeće MZ Domislica zajedno sa Džematskim odborom zapazilo je rad i zalaganje općinskog vijećnika Mustafe Bešića, mještana MZ Domislica koji daje svoj nesebičan doprinos za dobrobit prevashodno MZ Domislica, a potom i cijele općine Maglaj.

Svojim inicijativama, humanošću, predanim radom i upornošću mustafa Bešić je od strane mještana MZ Domislica predložen za dodjelu javnog priznanja općine Maglaj za 2019.godinu.

Njegov rad i djelovanje kao građanin naše općine pokazalo se nesebičnim za dobrobit i napredak cijele općine Maglaj. U ulozi općinskog vijećnika koju obavlja u svom mandatnom periodu, da se primjetiti da svojim inicijativama i djelovanjem u prvi plan stavlja interese naroda i zalaže se za bolje uslove života na području naše općine.

Kada je riječ o njegovom djelovanju na području naše mjesne zajednice, ono je više nego vidljivo. Svojim djelovanjem, snalažljivošću, upornošću i borbom našu mjesnu zajednicu je stavio na rang možemo slobodno kazati jednog prigradskog naselja. Odvoz smeća, ulična rasvjeta, su samo neki od projekata koji su uveliko olakšali život u našoj mjesnoj zajednici, a koji su rezultat Mustafinog zalaganja.

Ovakve pojedince trebamo isticati i dodatno ih afirmirati jer općini Maglaj ovakvih pojedinaca svakako nedostaje.

Zijad Hrnjičić

Pomenuti mještana zajedno sa povratnikom Radovanom Ristićem su svojim ličnim trudom i primjerom postigli zavidne rezultate na razvoju MZ Jablanica, kao i na stabilizaciji međuljudskih i međunacionalnih odnosa u postratnoj Jablanici.

Zahvaljujući Hrnjičiću i ristiću MZ Jablanica, iako nije imala stalnu podršku općinskih vlasti, ponajviše je uradila na razvoju infrastrukture u mjesnoj zajednici. Svojim primjerom su pokazali da mjesna zajednica ne smije biti taoc niti pogrešnih politika, niti interesa pojedinaca i grupa.

Kao mjesna zajednica, Jablanica svakako može biti jedan od najboljih primjera ostalim mjesnim zajednicama u okviru općine Maglaj ali i izvan nje.

Kao zahvalnost sugrađanima Hrnjičiću i Ristiću, ali i kao podstrek ostalim aktivistima u mjesnim zajednicama smatram da isti zaslužuju priznanje šire lokalne zajednice zbog čega nominujem Zijada Hrnjičića koji je bio nosioc i još uvijek je funkcije predsjednika MZ.

Meho Kovačević sin Smaje rođen 15.01.1966.godine iz Misurića općina Maglaj, po zanimanju mašinski tehničar. Kao član Lovačkog društva „Soko“ Maglaj u više navrata organizovao je čišćenje korita rijeke Bistrice i njenih pritoka, te maksimalno se angažovao na uređenju izletišta „Bistrica“ u saradnji sa KJD Maglaj sa kojim je izvršio i nabavku i postavljanje cijevi za smeće. Ličnim sredstvima i sredstvima svojih prijatelja donatora finansirao je nabavku klupa za uređenje izletišta „Bistrica“. Organizovao je poribljavanje pritoka rijeke Bistrice ribljom mladi potočne pastrmke. Napomenuli bi njegov značajan angažman u Lovačkom društvu „Soko“ Maglaj u kojem mu je dodijeljena Plaketa u 2018.godini. Daje izuzetan doprinos u izgradnji dobrih međuljudskih odnosa. Nesebično se angažovao na pružanju pomoći u obilježavanju vjerskih manifestacija i organizovanja vjerskih programa i sadržaja na području MZ oruče. Kao član NK „Natron“ Maglaj dao izuzetan doprinos u organizaciji malonogometnih turnira na području cijele općine. Kao uposlenik BH „Telecom“ PJ Maglaj, dao izuzetan doprinos u saradnji TK mreže i poboljšanju pružanja telekomunikacionih usluga i TV signala na području MZ Oručje. Oženjen je, otac dvoje djece.

Shodno naprijed navedenom Vijeće MZ oručje smatra da je Meho Kovačević zaslužan za dodjelu javnog priznanja Općine Maglaj.

Služba Općinskog načelnika i
Općinskog vijeća

Obradivač:

Nisveta Bašić, viši referent u Službi ON i OV.

Kontrolor:

Emina Hasanić, Stručni savjetnik za poslove Općinskog načelnika i Općinskog vijeća